

INUIT ATAQATIGIIT

INATSISARTUNI



Nuuk, 03.01. 2013

Inatsisartut Suleriaasianni § 37 naapertorlugu imaattunik Naalakkersuisunut apeqquteqarpunga.

(Inatsisartuni ilaasortaq Olga P. Berthelsen, Inuit Ataqtigiiit)

Apeqqutit:

1. Nunatsinniit Qallunaat Nunaannut ilinniagaqarniarlutik aallartartut Nunatsinnut uternerini, meeqqerivinni meeraasa inissaqartinneqarsinnaaneri qulakkeersinnaajumallugit Naalakkersuisut qanoq suliniuteqarpat?
2. Qallunaat Nunaanni ilinniartuutitta Nunatsinnut uternerinni meeraasa, meeqqerivinni inissaqarsinnaanissaat qulakkeerneqassappat, inatsisitigut allannguinnissat suut pisariaqartinneqarpat?

Tungavilersuut:

Nunarput ineriartortuarpoq sulilu siunissami ineriartortuassalluni. Inuusuttut piurmassusaat annertusiartuinnavippoq, nunaminnullu iluaqutaasumik ilinniagaqar-nissaq inuusuttortatta akornani pingaartinneqaleriartuinnavippoq. Tamanna nuannaarutissaavoq tulluusimaarutissaallunilu.

Nunatta avataani Nunatsinnilu ilinniagaqartuutigit ilinniagartik naammassillugu, Nunatsinni sulilernissaminni, ulluinnarni atugassatigit pitsaasumik aallaqqaataanilli inissisimatinneqarnissaat pingaaruteqarpoq.

Ullumikkut imaappoq Nunatta avataani ilinniagaqartut meeqqerivinnut utaqqisunut allattorsimaffimmi allassimasinnaatitaanatik. Tamatuma kingunerikkajuppaa ilinnia-gallit Nunatsinnut uternissartik tunuarsimaarfigilertarmassuk. Nunatsinni ilinniaga-qarsimasunik annertuumik atorfissaqartitsivugut, annermilli atorfissaqartinneqarput ilinniarsimasut Nunatsinnut attuumassuteqareersut Nunatsinnilu pissutsinut immik-kut ilisimasagarluareersut. Tamanna assoroorutigaarput sulili assoroornerusaria-qarpugut.